

Tatoli, 14 Marsu 2019

Bankada Opozisaun Sei Responde Notifikasaun Husi TR



Deputadu Partidu FRETILIN, Francisco Miranda Branco. Imajen Mídia Palásiu PR.

DILI, (TATOLI) – Bankada opozisaun hosi partidu Frente Revolucionária Timor-Leste Independente (FRETILIN) liuhosi Vise Xefe Bankada, Francisco Miranda Branco, hateten sei responde notifikasaun husi Tribunál Rekursu (TR) relaciona ho rezultadu fiskalizasaun abstrata tuir pedidu deputadu rekerente nain 23 iha loron 30 janeiru.

“Ami respeita desizaun husi Tribunál Rekursu, maibé tanba ami mós hetan notifikasaun entaun ami uza direitu atu responde fila fali”, tenik ba jornalista sira iha uma fukun, kinta ne’e.

Hodi hatutan: “Ami halo esforsu tomak atu salva guarda fundu soberanu atu garante Estadu nia moris no jersaun aban-bain rua nian”.

Tribunál Rekursu iha loron 12 fulan-ne’e, liuhosi juis koletivu deklara inkonstitusionál iha artigu 2 ba alterasaun dahuluk lei númeru 1/2019 hosi lei númeru 13/2005 atividade petrolífera, tanba Parlamentu Nasionál Timor-Leste seidak ratifika tratadu ne’ebé Estadu Timor-Leste ho Austrália asina iha loron 6 fulan-marsu tinan 2018.

<http://www.tatoli.tl/2019/03/tribunal-rekursu-pronunsia-lap-konstitusional/>

<http://www.tatoli.tl/2019/03/pn-simu-ona-resposta-desizaun-fiskalizasaun-abstrata-lap-husi-tr/>

Jornalista: Julia Chatarina

Editora: Rita Almeida